

2. D. B. F.

DISSERTATIO INAUGVRALIS MEDICA

DE

NFELICI HYDROPI SACCATI CVRATIONE

QVAM

RECTORE MAGNIFICENTISSIMO
SERENISSIMO PRINCIPE AC DOMINO
DOMINO

VILHELMO HEINRICO
DVCE SAXONIAE IVLIACI CLIVIAE MONTIVM ANGARIAE
VVESTPHALIAE ETC.

SVB PRÆSIDIO

O. HADRIANI SLEVOGTII

M. D. ET P. P.

RÆCEPTORIS ET PROMOTORIS SVI VENERANDI
PRO LICENTIA

DOCTORIS GRADVM SVMMOSQVE IN ARTE
MEDICA HONORES ET PRIVILEGIA MORE MAJORVM RITE
CAPESSENDI

PVBlicæ ERVDITORVM DISQVISITIONI SVBMITTIT

DANNES SEBASTIANVS STEVBE

KALTENNORTHEMIO. HENNEBERGICVS
IN AVDITORIO MEDICO

HORIS ANTE ET POMERIDIANIS

AD D. XIX APRILIS MDCCKXI.

JENÆ LITERIS NISIANIS

EXCVDEBAT JO. VOLCKMAR MARGGRAF.

V I R O

SVMME REVERENDO ATQVE EXCELLENTISSIMO

MICHAELI ZÜLICHIO

SACRO SANCTÆ THEOLOGIÆ DOCTORI CONSILIARI
SAXO - ISNACENSI ECCLESIASTICO ET CONSISTORIA
ECCLESIAE JENENSIS PASTORI PRIMARIO ET DIOECESIO
SUPERINTENDENTI, SPECTATISSIMO

VT ET

V I R O

MAYIME REVERENDO ATQVE EXCELLENTISSIMO

JO. ABRAHAMO KROMAYE


PRESBYTERO ECCLESIAE ORDRVFFIENSIS SUPREMO
EIVSDEM DIOECESIOS SUPERINTENDENTI ET CON
SISTORII ASSESSORI GRAVISSIMO

PATRONIS SVMMA ANIMI OBSERVANTIA
COLENDIS

INAVGVRALEM HANC DISSERTATIONEM

HVMILLIME OFFERT

JO. SEBAST. STEVBE



PROOEMIUM.

Dum in eo eram. ut dissertationi inaugu-
 rali, de INFELICI HYDROPSIS SACCA-
 TI CVRATIONE, finem imponerem,
 praeter opinionem, a Patrono in Ephe-
 merid. Germ. Centur. VII & VIII, obser-
 vatio XVII D. D. Samuelis Steurlini, mihi legenda offe-
 rebatur, in qua vir celeberrimus eundem casum, sed
 minus recte sibi communicatum, descripsit. Cum au-
 tem nonnullas circumstantias aliter comparatas sciam,
 nemo mihi, arcto sanguinis vinculo beatæ de-
 functæ nexo, vertet vitio, si prooemii loco benevo-
 lum Lectorem de iis, quae de tristi istius fato sinistre
 relata deprehendi, ingenuè monuero. Neque enim, ut
 sectionem anxie aegrotæ desideraret, eam nifus aliquis
 naturae, excrementa per os evacuandi, sed dolores
 potius dorsi fere intolerabiles, & per multas horas sub-
 inde protracti, impellebant. Saccus enim compresse-
 rat vasa & viscera adjacentia, & in latere, spectante
 putredinem minabatur. Neque etiam convulsio-
 nes, aut horrendi vomitus vulnus, post elapsam
 aquam, sero compressum, sed lipothymiae potius &
 syncoptici sudores continuo excipiebant. Nulla quo-

que sacci cum diaphragmate connexio videbatur. Cor vero non magis flaccidum, aut cruore destitutum apparebat, quam in illis, qui praesente systole moriuntur, esse solet. Judicium de *αὐτοχειρία*, beatae imputata, justo durius videtur: cum excusari magis, imo laudari debeat, quod, pharmacis haecenus denegatum auxilium, a Chirurgo desideraverit. Nequaquam autem periculum, ex tali operatione metuendum, ipsi jure potest objici, quod artis medicae experti minime erat exploratum, &, tantopere a Chirurgo laudatum, neutiquam repudiandum videbatur. Hujus igitur & Medici, ad operationem invitati, officium fuisset, dubii remedii usum vel plane non svadere, vel majori cum prudentia istud administrare. Fecit certe misera, quod potuit, pietatisque fundamentis probe imbutum animum in aeger-
rimi corporis custodia omnino retinuit, probe conscia, haud jubente Deo, ex hac vita non esse emigrandum. Mihi interea, historiam hanc, speciminis inauguralis loco, in praesentia ventilaturo, incumbit, fontem veritatis atque sapientiae devotis precibus implorare, ut, quae in medium proferentur, in sui sanctissimi nominis gloriam, proximique & meum emolumentum cedant.

CASVS.



Virgo sanguineo cholericæ, corporis habitu laudabili prædita, & ab otio quidem aliena, attamen diætæ negligentior, anno ætatis XVIII, prævia alvi segnitie, iliacis passionibus, & post has aliquamdiu dolente mammarum tumore corripiebatur.

Qui-

Quibus vix superatis, menses solito parcius fluebant, & tandem, iunctis vomitibus iteratis, lumborumque & abdominis torminibus, plane emanebant, ut a Medico, aliisque, non sine summo aegrotantis, nil mali sibi consciae, animi cruciatu & perpetua indignatione, gravida haberetur. Cum autem altero demum anno inferior venter intumescere inciperet, aegraque atrocibus subinde doloribus afficeretur, ab eodem Medico, errorem suum agnoscente, inter hydropicas referebatur, eique varia medicamenta purgantia, sudorifera, diuretica &c. sed sine levamine propinabantur. Durabant haec per decennium, ut aegra equidem saepissime affligeretur, neque tamen inde notabiliter debilitaretur, respiratione enim & voce libera, integroque appetitu pollens, colore faciei florido gaudebat, nec lecto decumbere cogebatur, aut quod aliis hydropicis accidere solet, inferiores superioresque corporis partes emaciatas habebat. Ut a Medicis, quid porro agendum esset, dubiis existentibus, prognostico relinqueretur: usque dum Chirurgus, dives promissis, sed plus iusto suae arti & paracenthesi, infido isti ascitae remedio, tribuens, opem pleno ore promitteret, &, aegra quidem diuturni morbi, totque frustra usurpatorum medicamentorum pertaesa, annuente, Patre autem, praxios medicae bene gnaro, contradicente, in praesentia Medici, in latere sinistro, prae altero eminente, integumenta cum musculis, per expansionem admodum extenuata, promte pertunderet, largumque laticis effluxum promitteret. Cum autem praeter guttas aliquot sanguinis, ex vulnere nihil prodiret, & temerarius empiricus, rubore suffusus, instru-

mento suo exploratorio obstaculum in cavitate abdominis molle, ast renitens tamen, offenderet, hoc quoque, quamvis, quid vulneraturus esset, prorsus nesciret, desperata audacia incitatus, sauciabat, & cum limpidam aquam inde proflire cerneret, gloriose triumphans, quasi re optime gesta, ultra XXVIII libras effluere permittebat; tam egregio cum effectū, ut misera, una cum aqua diu gestata, nunc autem uno actu imprudenter emissa, viribus prorsus spoliata, quarta post apertionem ventris hora, inter continua animi deliquia, ne fortissimis quidem cordialibus pharmacis cohibenda, fatis cederet. In cadavere occurrebat saccus membranaceus, ex duplici tunica, multa vasa sanguifera completente, constructus, in fundo aliquot adhuc libras humoris continens, lieni & sinistro reni, dextrum magnitudine multum superanti, firmiter annexus, & communia cum illis vasa habens. Reliqua viscera sine manifesto vitio observabantur, uterus in angustam molem contractus erat.

RESOLVTIO.

§ I.

Dum virginem hydrope laborasse dicimus, cum isti vitiosae conformationis speciei, quam tumorem praeternaturalem vocant, subjectam fuisse indicamus, qua abdomen a seroso liquore, in istud, ex uno vel pluribus male affectis visceribus, confluenta, insigniter & cum gravibus symptomatibus, vitaeque ut plurimum periculo distenditur.

§ II.

§ II. Vocatur hic infimi ventris affectus *hydrops* κατ' ἐξοχὴν sumsitque, verbis Caelii Aureliani, lib. 3, morb. chron. c. 8, p. 467, *ab accidenti nomen, siquidem aquosus humor hanc passionem necessario comitatur.* Quamvis enim aliae quoque corporis regiones, caput nimirum, pectus, umbilicus & scrotum, nec non intus contenta viscera, hepar, lien, renes, uterus, testes, ipsaque porosa carnis glandularum & integumentorum, in trunco & artubus substantia, subinde a serosa colluvie intumescant, eiusmodi tamen inundationes non aequae absolute hydropes salutantur: sed vel cum adjuncto aegrotae partis nomine, per unicum vocabulum compositum *hydrocephali*, *hydromphali*; vel per plura simplicia, *hydropis pectoris*, *scroti*, *pulmonis*, *hepatis*, *lienis*, *uteri* efferuntur; vel etiam per peculiare terminos, exemplo λευκῆ φλέγμα, *anasarcae*, *oedematis* & *hydroceles* exprimuntur, & singula vel seorsim extare possunt, vel una earum alteraque species junguntur, ideoque abdominis aliae tumorem modo antecedunt, modo comitantur, modo sequuntur, ut raro asciticum videas, cui non etiam crura, aut scrotum & genitalia, pectusque tumeant.

§ III. Cum nomen morbi graecum sit, a nonnullis istud ex duabus vocibus ὕδωρ aqua, & ὤψ oculus, visus, coaluisse creditur, quod visui aquae abundantia occurrat, & proinde Germanis die *Wassersucht* dicatur. Sed similior vero evadit etymologia, si illa quatuor & quinque syllabarum vocabula, ὑδράπιον, ὑδρωπίασι, aut ὑδρωπισίαν, Galeno & aliis Graecis, ipsique Plinio familiaria, a properante lingua ita contracta fuisse fingimus,

mus, ut dissyllabum *hydrops* inde emerferit, cuius synonyma cum ὕδωρ & ὕδωρ, teste Foessio quondam fuerint, illi a Caelio Aureliano, l. c. p. 468 reprobantur, qui ὕδωρ ex renibus, hydropem autem ex duritie jecoris generari dixerunt. Num autem Celsus, lib. 2, de Med. c. 7, p. 59, per *aquam inter cutem, quam ubi pedes tumunt, & longae dejectiones sunt, aut dolor in imo ventre & coxis est*, instare scribit, ejusque notas, periculi absentiam significantes, longa serie, l. c. c. 8, p. 68 recitat, hydropem quemlibet & specialiter ὕδωρ ἀσκίτην, ad quem noster affectus referendus est, intelligat, ideoque, ut nonnemini placet, graecum hoc nomen convenienter Latinis aqua intercus reddatur, merito dubium videtur, cum lib. 3, c. 21, p. 160, data opera de *hydropicis* agens, manifesto discrimine hos affectus sejungat, & quos aqua inter cutem male habet, nisi illis primis diebus succurritur, in ὕδρωπα incidere doceat.

§ IV. Plura synonyma, quando a Paracelfo obscure *ros humidus, resolutus liquor, undemia* &c. vocatur, clarius autem a Poeta, Quinto Sereno Samonico & Helmontio, *error languorque lymphaticus* salutatur, in praesentia non excutimus; verbo tantum innuentes, hydropis vocabulum aequivocum esse, & praeter receptam hujus morbi significationem, modo Hippocrati lib. 2, de morb. t. 16, § 10, *ichorem* ex naso & auribus, post lipyriam salutariter fluentem denotare; modo lib. 4, t. 1, § 7, & t. 25, § 34, *quaternionem* corporis humorum, qui ipsi φλέγμα, αἷμα, χολή καὶ ὕδωρ audiunt, complere: modo t. 9, § 1, *humorem superfluum*, quem splenem ad se trahere Celsus finxit, & in aliis morbis pariter,

riter, ac in nostro casu continentem causam constituit, indicare; modo de ipso aegro, quem ὑδρωπικῶντα, Latini *hydropicum* vocant, praedicari: per admodum coactam homonymiam autem *Diabetem* huc trahi, & *hydropem ad matulam*, Apollonioque Memphitae *hydropem cum fluore* salutari.

§ V. Cur nostrae virginis affectum *hydropem saccatum* appellaverimus, ex peculiari statu interanearum, post mortem demum deprehenso, patet. Quamvis enim is quoque abdominis tumor, qui a serosa humiditate, peritoneo inclusa, ortum ducit, & Græcis ἀπὸ τῆς ἀσνῆς, *ab utre*, ἀσνίτης & ἀσνίτης ὕδρω, *hydrops utricularis*, & vulgatissima consuetudine, absolute *ascites* vocatus, etiam Latine, *saccatus* dici queat; in praesente tamen casu in primis sacci mentio facienda est, quia latex in receptaculum membranaceum, a peritoneo distinctum, succedente tempore confluit, & hoc modo vicina viscera illæsa reliquit; quæ ille, in aliis asciticis libere circa ea natans, sæpe contaminare, & tantum non semper omentum corrumpere solet.

§ VI. Generis loco positus est *tumor*; id quod negant, qui cum B. Christ. Jo. Langio, Oper. part. 3, disp. 25, hydropem potius *morbum in situ* vocare volunt, quod in interno hydrope capitis & pectoris nullus tumor conspiciatur; & interdum ascitica deprehendantur cadavera, in quibus, dum viverent, propter obesitatem, nil tale augurari licuerat. Verum hi a nobis quoad ordinem proponendi saltem recedunt; dum materiae peccantis, ceu continentis causæ, vitium in situ pro effectu ejus & morbo, inde oriente ponunt. Latex enim extra circu-

circulum massae sanguineae evagans, quando sibi obviam, & expansioni aptam *cavitatem*, abdomen v. g. scrotum, uterum; aut *viscus porosum*, lienem, pancreas, renes occupat, situm equidem naturalem mutasse dicendus est; sed per talismodi mutationem, nondum morbum, quem hydropem vocabimus, efficit; donec, aucta indies mole, haec sua diversoria secundum tres dimensiones amplificaverit, & naturalem eorum conformationem in morbosam converterit. Quod si vero idem in loco, extensioni minus idoneo, cranio nempe & thorace adultorum colligitur, ibique non semper visui occurrentem tumorem excitare valet, id non causae agentis, sed ineptitudini subjecti patientis adscribendum, & sic actus primus pro secundo habendus est: cum etiam hasce regiones in objectis dispositis intumescere posse, experientia testetur.

§ VII. Quod enim in *junioribus* individuis capita in monstrosum, & vix credibilem tumorem subinde ab aqua distendantur, ipse celeberrimus Langius concessit, & historiis, ex Hildano petitis, confirmavit, quibus in praesentia, chartae parcentes, unicam tantum *hydrocephali infantilis*, a D. Praeside nobis suppeditatam, adjiciemus. In puello biennio catarrho, ut referebatur, suffocante interemto, caput tactui molle & fungosum erat, & naturalem magnitudinem bis superabat, oculi, extra orbitas protuberantes, aliquamdiu ante mortem visu caruerant, suturae ossium capitis longe a se invicem distabant, earumque integumenta cum dura matre arcte cohaerebant. His remotis occurrebat globus qui, tenui tunica inclusus, per ejus internam superficiem

ficiem substantia alba, mollis, adipi liquefcenti quodammodo similis, & telae aranei in modum expensa, dispersa videbatur, quae, simulac aquae limpidissimae minimum librae tres emissae erant, in seipsam abibat, & non sine admiratione adstantium, consistentiam mollis cerebri, quale infantibus esse solet, acquirebat.

§ VIII. Per hoc, & similia exempla, situs non modo humidi morbifici mutatus, sed simul quoque ab eo productus tumor cerebri satis conspicuus redditus est: qui in adultis, ubi firmitas ossium obstat, non semper manifestus fit, & tantummodo in palpebris, superciliis, cuteque pilosa, ab aqua distentis, se exerit, caputque subinde totum grandius reddit, sæpius autem nullum in externis signum, intus latentis hydrocephali, præbere solet, ut ex actionibus animalibus læsis Medicus eundem hariolari cogatur. Utrumque historiarum, a Pisonē notatæ declarabunt; quorum una virginem, XXII annorum, Obs. 1, de Serosa coll. sect. 2, part. 2, p. 4, sub titulo hydrocephali describit, concernit, quam, cum insignem palpebrarum & frontis, cutisque capitis tumorum, a fluctuante sub ea humore dependentem, exhiberet, de ipsius cerebri quidem statu Autor, cum ægra adhuc in vivis esset, accurate judicare nequibat: inde tamen per suturas laticem ad exteriora penetrasse suspicabatur. In altera proponit Juvenem, sect. 4, c. 2, p. 294, in cujus capite etsi nullus tumor appareret, cum tamen intra cranium limpida aqua meningem, atque cerebellum imprægnavisset, principiumque spinalis medullæ circumdedisset, ideo defunctus merito inter hydropicos referendus erat.

§ IX. Par ratio est hydropis in pectore, intra quod plerumque latex, absque externo tumore, occultatur, quem tamen in infante Medici hujus loci satis grandem D. Præses vidit. Costæ enim valde distractæ erant, & muscoli interjecti triplo longiores evaserant, dorsalesve, instar spongiarum, ab aqua imbibita tumefacti, misellum gibbosum reddiderant, ut ipsi ex duplici hydrope, interius utriculari nempe, atque externo anasarca intereundum esset.

§ X. Si tandem alicubi, quod itidem contra nostrum genus adferunt, tumor hydropicus in obeso corpore non agnitus est, id mitiori gradui morbi, & paucitati aquæ, vel potius Medici negligentiae adscribendum fuit, qui ἐνὲν a ναρξία, per utrique familiaria signa facile dignoscendas, non distinxit.

§ XI. Tumorem *preter naturalem* diximus, ut eum discernamus a *naturali*; quando post conceptionem abdomen potissimum, aut, ab abundante nutrimento, hujus & reliqui corporis regiones intumescunt, & a particulis gelatinosis moles musculorum & aliorum externorum mollium partium augetur, ab oleosis autem vesiculæ adiposæ exterius in peripheria, & intus circa viscera multiplicantur, ut individuum obesi appellationem accipiat.

§ XII. Subjectum ascitæ *ut quod* cujusvis ætatis ac sexus homines fieri queunt, in quibus subjectum ut quod, visui & tactui obvium, *totum abdomen*, specialius autem & focum causæ, intus quoddam latens viscus constituit. Inter quæ olim vix frequentius aliud, præter vitiosum hepar nominabatur; cum, communi consensu, istud

istud officina sanguinis haberetur, qui ibi male elaboratus, & in liquorem, corpori alendo minus idoneum conversus, cachexiæ & tandem hydropi materiam præberet. Confirmavit hanc opinionem etiam in animis recentiorum, eorum inprimis, qui hoc, a Thoma Bartholino tumulatum viscus, ad sanguinis elaborationem resuscitarunt, defunctorum extispicium, quod sæpissime jecur, a naturali statu alienum, molle suum parenchyma in scirrhum mutasse, & lympham, ad chyli receptaculum ablegandam, in hydatides collegisse ostendit. Quale etiam D. Præsidi plus simplici vice, ex æquabili, molli, & rubello hemisphærio, in nodosum, durum & decolorem globum, *saxeamque densitatem*, ut Cælius Aurelianus loquitur, mutatum videre contigit. Verum quia neque cum Helmontio, in Tr. ignotus hydrops, § XI, & aliis doctissimis viris, plurima integri in hydropicorum cadaveribus reperti jecoris exempla recensentibus, viscus prorsus a culpa absolvere, aut *renes* ipsi plene substituere liceat, illo, media potius via incedendo, tutius videtur, cum Sylvio Lanceano, Sennerto, aliisque, in cerebro, thymo, pulmonibus, liene, renibus sedem mali quærere, ut inde modo hydrocephalus, modo hydrops pectoris, modo ascites &c excludantur, docuitque autopsia in nostra virgine manifeste, splenem cum sinistro rene materiam humori, hujusque receptaculo præbuisse, ideoque subjecti *ut quo* specialis nomen meruisse.

§ XIII. Causa tumoris *immediata & continens* est *serosum humidum*, quod per venas lymphaticas renis sinistri & lienis ad cor ducendum, in cursu suo im-

ditum, hic substitit, & tandem in saccum collectum est. Operam perderemus, si, quæ de existentia harum venarum ab Anatomicis motæ sunt lites componere vellemus: hinc verbis tribus saltem innuimus, eas negare Warthonum, admittere F. Sylvium, & Ruyschium modum insuper aperire, eas in liene, per ligaturam vasorum omnium detegendi. De renis autem vasis variæ Autorum opiniones leguntur, inter quas Bartholinus, in, Anatom. ref p. 38, sic loquitur; *lymphatica vasa ad renes (potius a renibus) quoque lympham immediate ob viciniam deducere in historia vasorum lymphaticorum dubitabam: mediate per lacteas vicinas concedit Moebius: lymphæ ductus omnibus adsignat Bellinus, ad curatiori manu aliquando ostendendos.* His consentit Pecquetus, in experimentis, & vidit Rudbeckius, lib. de vas. glandul. seros. Omnium clarissime autem æneis figuris depictos exhibuit Antonius Nuckius, in adenograph. p. 58 & seqq., ut nullum de illis restet dubium.

§. XIV. Ut porro occasionem productionis sacci, & lymphæ in eum collectionem inveniamus, considerare debemus sanguificationis opus, quatenus per illud albi chyli in rubicundum liquorem conversio intelligitur, hodie non amplius hepatis, aut ulli visceri soli, sed toti potius sanguinis massæ, ope cordis in circulum, trans totius corporis vasa & viscera pulsæ, inque perpetuo digestionis fermentescentis motu constitutæ concedi; ut proinde cuncta organa, in separatione atque dispensatione feri occupata, materiam & focum hydropi dare possint; si illa, per quascunque causas, in suo officio turbata, humidum, a sanguine secernendum, nec decen-

decenter inde segregant, nec secretum, quorsum duci decet, dimittunt; sed vel *intra porosam suam substantiam*, tanquam in spongiam recondunt, ut ea interdum enormem inde vastitatem acquirat; vel *ambientem suam membranam & vasorum*, excretioni inservientium, *tunicas* in vesicas, quas *hydatides* vocant, expandi sinunt. Ex quibus ruptis liquor, haftenus vitiose subsistens, nunc vero, vel *αἰσῶς* in cavitationem aliquam erumpens, vel lente trans poros distensarum membranarum distractos, sudans, hic tarde, & cum mora aliquot mensium, illic autem cito, & intra paucos dies vel hebdomadas, asciten excitare aptus natus est.

§ XV. Quod si vero humorem excipiens tunica tenacior densiorque fuerit, ut nec per diæresin, nec per diapedesin evacuari queat, tunc natura, vel si *ma-
vis*, anima, aliud quasi agens, per vegetativam facultatem, de receptaculo præsentis affluentisque humidi ampliando sollicita, per vasa, ex viscere ipso petita, & alia nova inde producta, alimentum adducit, ut ex una exigua hydatide, vel multis, in unam coalescentibus, succedente tempore saccus, multarum librarum humoris capax, generetur. Similem noxiamque naturæ industriam observamus, quando non solum in verrucis, strumis, fungis, polypis, sarcomatibus, gangliis, molis, similibusque concretis, reliquis corporis partibus adversis, nuriendis, & ad monstrosam interdum molem provehendis, occupatur.

§ XVI. Prolixum nimis esset, talismodi errorum, in diversis locis animadversorum, historias ex Practicis colligere, cum nobis in præsentia satis sit, unum

alterumque casum saltem citasse, unde innotescet, quæ, in duobus proximis paragraphis, de præternaturali constitutione viscerum, ad producendam materiam ascitæ, ejusque conceptaculorum, conferentium protulimus, revera in defunctis deprehensa, & per varias vias aditum ad interitum comparatum fuisse. Ab Hoechstettero describuntur, Dec. 6, obs. 6, glandulæ mesenterii, ichori bilioso innatantes, & globosam molem adeptæ, quæ exterius multis pustulis aquosis obsitæ, discissæque largiter serum effuderunt, quod in vivente in abdomen stillasse Autor putat. Platerus idem ex fungoso corpore, hepatis adnato, factum fuisse suspicatur. Num 30 librarum pondus superans lien, a Fioraphanta descriptus, huc pertineat, in medio relinquimus. Quinque autem libras *pendentem*, &, *procul* dubio, in detrimentum individui, ad tantam molem auctum, ex hydropico ex traxit D. Præses.

§ XVII. Quæ de hydatidibus pulmonis, cum hydrope thoracis combinatis, Piso l. c. sect. 3, c. 7, habet, rarioribus fere exemplis debent annumerari, respectu illarum scil. quæ crebrius in asciticis occurrunt. Abdominis enim, a vesiculis, aqua plenis, ut hydropem referret, expansi, meminit Aretæus, earumque Cordæum octingentas numeravisse, testatur Hoechstetter, l. c. Tulpius innumeras, novem libris aquæ & puris plenas, cornibus uteri, (tubas voluit nominare) inclusas observavit, lib. 4, obs. 45, p. 350. Platerus, ut alios taceamus, in hominibus pariter ac brutis tales vidit. Quod renes quoque, ad collectionem feri in talismodi, receptacula, efformanda, numero & magnitudine satis con-

spicua,

spicua, proclives sint Zvvingerus. Ephem. Germ. Decad. 2, ann. 6 p. 544, Willisius, pathol. cerebr. c. 9. Segerus. Ephem. Dec. I, ann. 2, obs. 23. Bonetus, Anat. pract. lib. 1, sect. 21, obs. 43, & alii scriptis testantur.

§ XVIII. Ut autem saccos, nostro casui analogos, ex hydatydis atque tunicis viscerum natos, ostendamus præter *meningem* hydrocephalici infantis § 7 descriptam ex Pisonis lib. cit. p. 193, *pericardium* ab aliquot libris aquæ in immanem tumorem distentum, nec non ex pag. 190, renis sinistri tunicam, per chronicum abscessum adeo amplificatam, ut 14. libras puris comprehenderet, huc referimus, illisque inprimis memorabilem hydropem peritonæi, ut a Tulpio, l. c. obs. 44, p. 348, vocatur, utpote nostri casui admodum congruentem, superaddimus. Conveniunt enim sexus, causa & mos morbi, ejusque *παγκολέδης* cum ibi, post mensium minus convenientem fluxum, venter quotidie magis magisque ad ingentem molem intumuerit, idque *sine magna virium iactura*, ut ægra, per *septem*, plus minus, *annos*, perinde ac sanissima, non tantum quocunque ambulare, sed etiam excelsam turrim conscendere valuerit. Differunt tamen ratione *quantitatis aquæ*, & substantiæ, atque ortus eam continentis *subjecti* specialis. In hac enim centum & decem aquæ libræ *intra duas peritonæi tunicas*, *crassitiem digiti* annularis habentes, delituerunt; in nostra virgine autem non ultra quadraginta libræ inveniebantur, sacci que duplex membrana, post exsiccationem, corium ovillum vix superabat, & præterea a peritonæo libera, lienique tantum & reni adnata erat, a quibus tunicas suas, vasa & laticem contentum acceperat.

perat. Ut hoc loco non opus habeamus, quod Mercklino, in dissert. de Hydrope saccato, placuisse legimus, eius ortum *ex ichore, interveniente evaporatione, per calorem improporcionatum in vesicam sublato, deducere*; cum nimis clara non solum sanguiferorum vasorum distributio adsit, sed indicia etiam inæqualis augmenti ambarum tunicarum, eum componentium, conspiciantur: dum in exteriori aliquot vestigia crepaturæ occurrunt, quam ea ab interiori, per accumulata lympham nimis extensa, passa fuit.

§ XIX. Quid autem ansam dederit errori lymphæ, ut deflectens de via, a natura ipsi versus cor præscripta, huc potius concesserit, vasaque & tunicas extenderit, difficile equidem videtur definitu; attamen quærenti, quænam *mediata propior causa* nostri affectus sit, satisfieri credimus, si ad communia illa humorum vitia, *quantitatis, qualitatis*, atque *motus* respicientes, hunc potissimum accusandum esse respondebimus: cum vasorum distensionem, saccique efformationem, & lymphæ collectionem hujus vitiatum motum excepisse, dum ex superioribus liqueat, ut tantummodo, quænam causa remotior obicem ad cor recurrenti lymphæ posuerit, explicandum restet.

§ XX. Hanc externam, *compressionem* scil. *regionis affectorum viscerum* statuimus, non uno modo contingentem. Unam enim ab arcta constrictione hypochondriorum, sequiori Sexui, ne habitiores, & Terentiana phrasi, *pugiles* videantur, nimis familiarem derivamus: quæ, sicuti in aliis toties chlorosios, obstructionis mensium, aliorumque a sanguinis motu turbato dependen-

tium ægritudinum autor fuit, ita in nostra etiam lieni
atque renibus officere potuisse, credibile est; cum alibi
ad uterum, ab his longe distantem, suam noxam exten-
dere valuerit. Notavit D. Præses duos hydropicos,
unum equorum informationi deditum, alterum merce-
narium: quorum ille, ne viscera per fortem equitatio-
nem nimis quateret; hic autem, saxa & trabes elevans
atque gestans, ilia rumperet, (*das Meß zersprengen* vocant)
Zona lata infimum ventrem adeo constricterat, ut, cum
uterque præcavere cuperet infortunium, sibi imprudenter
aliud adscisceret. Altera compressionis occasio fuit gesta-
tio ponderosorum utensilium œconomicorum, impro-
vide lumbari regioni impositorum, quam quotidie a
sequiori sexu fieri videmus; inde autem urinas cruentas,
vomitus sanguinis, abortus, & difficiles partus plus sim-
plici vice produci, pluribus exemplis probaremus, si ali-
quem Practicorum talia latere putaremus.

§ XXI. Stante hac, ex rationi & experientiæ con-
formi analogia eruta &, ut speramus, approbanda causa,
non opus erit, ut operose, quod in genere ascitem expli-
cantes, facere tenentur, res *naturales*, sexum, ætatem,
temperamentum, corporis habitum, &c. aut *non na-
turales*, & contra diætam patrata delicta, perscrutemur;
horumque nocendi potestatem explicemus; imo nec
præternaturalium, alvi segnitiei, passionisque iliace, do-
loris item mammarum, & vomituum, ac mensium eman-
tionis, in historia memoratorum, ratio habenda, aut quo-
modo alii per diætam, a nostra neglectam, tanquam per
gradus, cacochymiam, hinc cachexiã, & tandem tumores
lethiferos sibi conciliare soleant, prolixè disquirendū erit:
C cum ejus-

ejusmodi pathemata, earumque causæ, quamvis omnino etiam κακῆς τῶν χυμῶν κρᾶσις signa & effectus haberi mereantur, ad præsentis tamen hydropis generationem eadem non *directe* concurrisse, sed potius unum alterumque eorum inde productum atque folum esse videantur; ideoque peculiarem ætiologiam, & suis indicationibus competentem medelam, a nobis hac vice minime expectandam, requisivissent.

§ XXII. Quod non una species hydropis sit, ex superioribus innotuit, quas Cornelius Celsus, l. c. p. 160, τυμπανίτην, λευκοφλεγματίαν vel ὑπὸ τὴν σάρκα, & ἀσκίτην vocat: Cælius Aurelianus autem, postquam Hippocratis, Dioclis, Heraclidis, & Demetrii sententias recensuerat, & ex parte refutaverat, mutato ordine, l. c. p. 470, ita effert: *Melius, quantum ad species hydropis, est, alium dicere in toto corpore constitutum, tanquam in papyro vel spongia inter viarum raritatem insertum, a liquore vocari leucopblegmatiam, quem latine nomine etiam intercutem recte dicemus: alium in parte corporis, inter peritoneum & intestina, subiecto liquore solo, vel admixto vento plurimo, vocarique alterum ascitem, alterum tympanitem.* Verum sicut hæc nomina nondum totum specierum catalogum absolvunt, ita ab illis etiam, a subjectis petita distinctionis membra, non comprehenduntur; ex quibus alias innotescit, quomodo subinde ex unico male adfecto viscere, tota sanguini massa infici, & a turbata seri secretionem, modo totum externi corporis habitus, modo una saltem pars exterior aut intus unica cavitas, unumque in ea viscus, vel eorum plura inundentur; & hac ratione hydrops *universali* atque

atque *singularis*, vel *totius & partis*, *compositus* item *simplexque* oriatur, & denique quorsum noster referendus sit. Cum enim ex *duobus* visceribus acceptam proximā tumoris causam in *unum* saccum collegerit, respectu hujus cum *particularem & simplicem*; propter distinctos focos autē, *compositum* appellari posse, ex hactenus dictis patet.

§ XXIII. Præter hæc formales & essentiam morbi concernentes differentias, est quoque, cur unus *longus*, alter *brevis* dici meretur. Quamvis enim omnes hydropes inter chronicos morbos numerentur, tardius tamen nonnulla individua ab eo prosternuntur, quæ nempe non ob propriam culpam, ingluviem scil. aut immoderatiores animi affectus, fabri sui infortunii fiunt, sed a Parentibus haustam dispositionem ita suppressere nequeunt, quo minus ea cum tempore sensibilibior evadat, & in quavis ætate, a levissima diætæ transgressione, aut alia occasione, causa *προνυξμένη* excitetur, & instar fermenti, indies nocentior fiat.

§ XXIV. Citius autem intereunt ægri, & unius semestris spatio, imo non raro citius, initii, augmenti, & mortiferi *ἀπὸ τῆς καχεξίας* terminos absolvunt, qui post morbos acutos, febres malignas, largasque sanguinis profusiones, &c. aut tardas quartanas, *vetustosque morbos*, ut Celsus loquitur, ulcera scil. interna viscerum, aut externa rebellia, & diu cum euphoria manantia, subito autem sponte, vel per inepta medicamenta siccata, intumescunt, aut, culpa suæ intemperantiæ, morbum recenter accitum, per eandem deteriorem & insanabilem reddunt, justumque suæ imprudentiæ præmium accipiunt. Quod illi feliciter declinant, qui a modo recen-

litis ægrotandi causis alieni, non admodum graviter deliquerunt, & in tempore intestinum hostem per convenientia media expellunt, causamque præterea morbi continentem ita comparatam habent, ut corrigi atque tolli possit. Tales enim facile & cito sanantur: cum e contrario diu eandem secum gestare, & fere omnem spem reconvalescendi deponere cogantur, qui nostræ virgini simile monstrum intus alunt, quod pharmacorum virtutem eludit, & per miraculum quasi a ferro salutem recuperat.

§ XXV. Auxit pravitatem morbi in nostra, quod is non æque, ut reliquæ enumeratæ hydropis species solent, per consveta signa sese prodidit. Cum enim in aliis individuis, post causas & occasiones varias morbi-feras, in uno plures, rursusque pauciores in alio, magis vel minus corruptarum coctionum, & inde natæ dyscrasiæ humorum, malique habitus notæ emergant, & hinc in ascite plerumq; pulsus inæqualis, mollis, undosus, parvus, frequens, respiratio difficilis, crurum lassitudo & tumor, color faciei pallidus, luridus, flavescent, tussis sicca, sitis, appetitus prostratus, urina pauca, rufa observentur, crescenteque abdominis & curum mole, partes reliquæ manifeste contrabescant. in nostro casu nihil horum sese obtulit, ut ipse Medicus, faciem bene pictam cum vomitibus, & mammarum incremento, mensiumque fluxu emanente, conferens, ex furtivo potius amore germinantem fecunditatem, quam morbosum aliquem statum hariolans, Junoni Lucinæ magis, quam Æsculapio litandum esse concluderit. Donec ægritudinis duratio gestationis tempus excedens, & multitudo reliquo-

rum atrocium symptomatum, ventrisque crescens ambitus, fallaces de conceptione formatas ideas deponere, & de medicatione cogitare cogeret.

§ XXVI. Quam autem nimis sero susceptam ir-
ritamque futuram esse dudum illustris Wedelius, aph. 4,
aphor. Hipp. 55, S. 7, p. 352, prædixerat: *Quicumque by-*
drops sit ab hydatidibus hepatis (addimus lienis, renum)
vel scirrbo, & gravior est & magis lethalis. Cum con-
tra ea si in tempore fontem mali cognoscere licuisset,
non omnis spes restitutionis abjicienda fuisset: liqui-
dem, verbis Wedeliani Aphor. 5, aphor. 15, sect. 6, p. 168
Hippocr. *per poros in vasa resorberi aqua extravasata,*
in motum citari, sicque ad renes & intestina educi pot-
est.

§ XXVII. Actum ageremus, si jam diu defunctæ
medendi methodum præscribere conaremur: cum in
præsentia non amplius quæ facienda sint, sed tantum, quæ
fieri potuissent, adhuc brevissime explicare, & proinde
ex pharmacia in genere *purgantia, aperientia & diure-*
tica laudare liceat. Quamvis enim purgantia a magni
nominis viris rejiciantur, plus tamen apud nos veneran-
di Academiae nostræ Senioris autoritas valet; qui aph. 4,
l. c. ea inter *optima* hydropem curandi remedia ponit.
Tuto igitur nostræ cathartica data essent, cum respectu
simul ad menses habito. Exempli loco nominabimus a-
loetica, rhabarbarina, cum aperientibus, cremore & cry-
stallis tartari, tartaro vitriolato & tartarifato maritata, qui-
bus, pro re nata, fortiora in debita dosi jungenda fuissent,
mechoacanna, gialappa, helleborus niger, resina scammo-
nii, soldanella, gratiola, ebulus: nec non aperientes simul

& laxantes pilulæ de gum. Sylvii, tartarif. Schroëderi, hydragog. Bontii, extract. hydragog. cathol. Andernac. panchymagog. Crolii, &c. quibus Waldschmidius pulverem bufonum, cum gialappa mistum, singulisque diebus auctum addidisset.

§ XXIIIX. Quando autem Heurnius aquam, lenioribus non cedentem, elaterio & euphorbio educendam esse putat, eorumque salutarem efficaciam Martinus Listerus etiam deprædicat, cum circumspectione magna talia usurpanda sunt, & præstat, ope leniorum, per *ἐπιέναν* corpus evacuare, quam tumultuarie cum aqua vires & vitam profundere. Ex recentioribus exemplis, novimus civem huius loci in ætatis flore, & principio hydropis versantem, per succum iridis nostratis vita spoliatum, & matronam honestissimam, a vaniloquo Empirico, dogmaticorum Medicorum præsentiam & consilia fugientem, per creberrimas purgationes & sudationes insanabilem redditam esse.

§ XXIX. Purgantibus diuretica succedere potuissent, utpote viscidum serum diluendi, porosque viscerum aperiendi facultate pollentia. Talia fuissent inprimis salia, tam pura lixiviosa, genistæ, ononidis, tartari, juniperi; quam acidula, succini volatile; salsaque, arcanum duplicat. tartarus tartarifatus, liquor terræ fol. tartari, clyssus antimon. tartareus, cum terreis, oculis chelisque cancrorum miscenda, & in aqua ononidis, petrosel. alkekengi, fœniculi, propinanda. Optimo etiam consilio clysteres, ex laxantibus & diureticis herbis, ebulo, asparago, ononide, heder. terrestr. &c. parati, injecti essent, quia per colon ad renis & lilenis regiones pertingere, eas fovere, & erroneum modum lymphæ instaurare potuissent. § XXX.

§ XXX. Non levem quoque operam præstitissent diaphoretica, antimonium diaphoreticum simplex, & martiale cachect. ac Joviale, sudoriferum mgnum Fabri, mercurius diaphoretic. admista cinnabari vulgari & antimonii, atque camphora. Ex liquidis tinct. Bezoard. Wed. M. S. cruda & rectificata, eff. lignor. extract. fumarizæ. C. B. scord. decocta lignorum, & alia passim nota.

§ XXXI. Ex fonte chirurgico Venæsectio equidem, a mensium obstructione indicata, locum invenisset, reliquis, inde desumendis præsidiis, scarrificatione scil. fonticulis, setaceis & vesicatotiis, parum profuturis, præferenda, cum ista fontem mali non attigissent. Ubi obiter, in Chirurgorum gratiam, monemus, ejusmodi auxilia ulcerantia, nostris in climatibus, tumentibus locis facile inflammationem, gangrænam & sphacelum inducere. Cui legere placet, ulcera in hydropicis difficilem curationem admittere, evolvat Hildan. cent. 4, obs. 73; Zech. consult. 22, p. 214, & aliorum. Quando autem Celsus, Hippocratem multis in locis præeuntem habens, lib. 3, c. 21, p. 164, crebra in ventre tumente ulcera, per ferramenta candentia excitare jubet, de tympanite potissimum intelligendus videtur; quia, p. 161, Hippocratis aphorismo 5, sect. 6, congruenter locutus, in ægris, humore abundantibus, ulcera non facile sanescere edixerat. Annus est, cum uxori Ludimagistri in vicino pago, a balneatore crura, ad rupturam tumentia, scarrificarentur, & vix triduo elapso, post largissimum feri effluxum, *venæportis* superveniens flammam vitalem, aliquamdiu adhuc duraturam, extingueret; ipso

ipso Chirurgo non diu post, ex moerore, ut ajunt, ob male cedentem medelam, fatis cedente.

§ XXXII. Cum, sine dubio, per tot annorum decursum, quicquid Pharmacia suppeditare potuit, tentatum, nullumque inde levamen impetratum fuerit, ideo in nostra ægra, viribus adhuc pollente, in ætate florente constituta, nulla febre aut macie artuum laborante, vitæque cupida, recte ad paracenthesin, heroicum istud remedium, & ab antiquissimis Medicis cum successu usurpatum, confugere, necessarium fuit.

§ XXXIII. Haud ignoramus quidem, multos cum Erasistrato eam plane rejicere, satiusque esse putare, permittere, ut ægram vi morbi mortuam esse dicatur, quam ut ars chirurgica profanetur. Hinc ex recentioribus Mangetus, in Bonet. sepulchret. lib. 3, sect. 21, p. 530, sequentibus argumentis eam impugnat, quod vesicarum, tumorem subindè excitantium, numerum, situm & connexiones, nec oculis, nec tactu, nec judicii acie satis pervestigare possibile sit, exque semel vacuatæ, post vulneris inflictæ consolidationem, denuo impleantur, sicque nova aquarum collectio metuenda sit; si vero locus punctus non coiverit, aquam abdominis cavitatem, cum periculo viscerum, inundare; vel ipsas etiam vesicas corruptiones subire, ut sic æger in magnum discrimen conjiceretur. Verum cum dubia salus certa desperatione potior, nihilque intermittendum sit, quo natura juvari potest; effatoque Hippocratis, sect. 8, aphor. 6, *quæcunque non sanant medicamenta, ea ferrum sanare debeat, & magnis morbis magna remedia sunt adhibenda*, præterea expressis verbis

libr. de affect. text. 23, § 25, post pharmaca & diætam nil juvantia ταμὼν ἀφεῖναι τῇ ὑδατῶς, secando aquam educere jubeat, Celsusque, instar Coi echo, idem sonet, nec experientia adversa sit, ideo in nostra ægra, indicantibus & permittentibus indiciiis munita, circa electionem hujus remedii, a Chirurgo minime erratum fuisse statuimus

§ XXXIV. Nec locum quoque sectioni minus aptum is elegit, quem abdominis sinistra regio obtulit, a pleno sacco tumida, septem vel octo circiter digitis transversis sub umbilico, & totidem a linea candida acum immerfit; successu, quem in historia descripsimus, ideo minus prospero, quia imprudenter aureum monitum Hippocratis obiter habuit, sect. 6, aphor. 27, ita loquentis : Ο'κόσοι ἔμψυοι ἢ ὑδρωπικοὶ καίονται ἢ τέμνονται, ἐκρήντ' αὖ τῇ πύκνῃ, ἢ τῇ ὑδατὶ ἀφ' ὅσ, πάντως ἀπόλλυνται, quem aphorismum Celsus lib. 2, c. 8, p. 78, ita explicavit: *si aqua inter cutem, quam implevit, sive in magno utere multum puris coit, simul id omne effusse, aque mortiferum est, ac si quis sani corporis vulnere factus exsanguis est.*

§ XXXV. Quamvis enim, ut apud Fienum, Schenkium, & alios legere datur, nonnulli, simili periculo expositi, servati tamen sint, & D. Ptæses mulierem Ordrufiensem noverit, quæ, ex desperatione, cultro abdomen perforans, sine vitæ jactura, ad animi deliquium, contentam aquam emisit, ut juvenis Medicus, & senex Chirurgus, qui antea, ob nescio quas rationes, lege artis, per Paracenthesin miseram a pondere liberare noluerant, jam advocati, id tantum, agere

D coge-

cogerentur, ut vulnus occluderent, & per convenientia media ægram ab instante morte vindicarent, pristinamque postmodum sanitatem ipsi restituerent: quam nostræ, si vel maxime rite tractata fuisset, vix promittere potuissemus: cum firma sacci substantia, ob diurnitatem morbi, nec a medicamentis, nec ab ipsa natura potuisset resolvi, erroneaque in eum excretio lymphæ impediri. Id tamen effectum possibile fuisse credimus, ut, ablato humore premente, aliquamdiu commodius vivere valuisset, & per observatas justæ diætæ regulas, continuumque superius laudatorum medicamentorum usum, quibus etiam *balnea sicca*, multis modis paranda, interponenda fuissent, nimia humidi quantitas absumi, aut aliorsum divertì potuisset.

S. D. G.

